



**Cogitationes, Sive Considerationes Christianae Pro
singulis Anni diebus**

Complectens Aprilem, Majum, Junium

Nepveu, François

Monachii, 1709

Dies 5. De Judicio. Deum erga reprobos justum esse, judicium
demonstrabit.

[urn:nbn:de:hbz:466:1-60514](#)

fendat, cùm sit mater mea, & omnium Junius.
matrum optima? Peccator sum, miser sum,
inficias non eo: verùm hoc me non impe-
dit, quin sperem, quandoquidem ipsa pec-
tatorum refugium, & misericordiæ mater
est.

Si immoderato mortis timore turbatus fueris,
reminiscere misericordiæ divinæ, meritorum
Christi, & protectionis Beatissimæ Virginis,
ad excutiendum timorem.

Ecce Deus, Salvator meus, fiducialiter
agam, & non timebo. Isa. 6. 12. 2.

Ille desperet, qui tantum peccare potest,
quantum Deus bonus est. S. Aug.

D I E S V.

De Judicio.

Deum erga reprobos justum esse, judi-
cium demonstrabit.

I.

CHRISTUS judex ad comprobandam suam
cum reprobis agendi rationem officio
Judicis sociabit officium Servatoris. Vul-
nera sua in corpore suo gloriose conserva-
bit, crucem suam à gloria undique radian-
tem publicè monstrabit. Hæc sunt illu-

O a

stria

Junius.

stria amoris , quo in peccatores ferebatur, instrumenta ; hæc illos ad gratam beneficiorum memoriam allicere , eisque salutem afferre debebant ; quia verò omnibus hisce amoris testimonij , omnibus beneficijs ingrati moveri se non sunt passi , quia tot salutis suæ instrumentis sunt abusi, vertentur hæc in argumenta , quibus Dei erga peccatores justitia comprobabitur , & in instrumenta eorum condemnationi servituta. Quàm terribilis erit sententia , quæ ab ore Servatoris proferetur , quàm graves erunt i&tus , qui à manibus cruci affixis infligentur ? hi non fulgura duntaxat erunt, sed fulmina , quæ de lucidis ejus vulneribus evibrabuntur , ad obterendos ingratos peccatores , qui toties ea sceleribus suis renovârunt. *Ante faciem indignationis ejus quis stabit ? Nahum. 1. v. 6.*

II. Christus IEsus coram toto orbe se purgabit , omnésque homines contestabitur , per se non stetisse , quò minus omnes salutem æternam consequerentur: *judicate, dicet ipsis , inter me , & vineam meam , quid potui facere , & non feci ? Potuine aliquid pro salute vestra præstare , quod non præstisti ? humanam carnem pro vobis assumptam , dicet reprobis ; eam vobis consecraveram , & vos eam millies sacrilegijs vestris pro-*

*Izai. 5 v. 3
& 4.*

phanâstis; pro vobis sanguinem meum ad Junius.
ultimam usque guttam profuderam, & vos
eum per scelera vestra pedibus proculcâ-
stis. Cor habui: id amore vestri trans-
fixum fuit, ut exuberantiam amoris mei
vobis demonstrarem, & simul asylum a-
perirem: Verùm inde voluntariè vos ex-
clusistis, dum me è corde vestro ejecistis.
Gratijs meis vos præveni, beneficijs meis
vos cumulavi, sine intermissione vos quæ-
sivi; sed gratias meas contempsistis, bene-
ficijs abusi estis; meam in vobis quæren-
dis assiduitatem repulisti: & qua de causa?
ut creaturam aliquam mihi præferretis;
cùm illa pro vobis mortua non fuerit, sicut
ego; ut mundo vos addiceretis, qui mihi,
& vobis inimicus erat, & ego Servator
vester eram; ut obediretis dæmoni, qui
nihil præter infernum vobis dare poterat;
& ego cælestem Paradisum vobis pollice-
bar. Quid reponitis ad exprobrationes a-
deo terribiles?

III. Noli, Domine, expectare, dum
justa hæc probra in me conijcas die illa
formidanda, dum ea non potero allatis ex-
cusationibus à me amovere; nec ad miseri-
cordiam tuam confugiendo me tueri. No-
li hujusmodi exprobrationes ad illud us-
que tempus differre, quo id non nisi ad mei

O 3


dam-

damnationem facies; sed id modò fac; cùm exprobationes salutem mihi afferre possunt, cùm per justum timorem, quem mihi incutient, movere me possunt, ut ea præveniam, eliminando causas, quæ te ad id faciendum compellunt: sed nunc illas mihi obijce modo acri, & penetrante, qui per sinceram contritionem cor meum frangat, animam meam amaritudine, & salutari confusione replete, méque aptum reddat ad iram tuam mitigandam, misericordiam tuam obtinendam, justitiamque tuam nunc minùs formidandam.

Statue suscipere partes Dei causam contra te agentis; hoc enim medium est securum evitandi sententiam condemnationis in extremo iudicio.

Congregabo omnes gentes, & deducam eas in vallem Iosaphat, & discepabo cum eis ibi. *Ioél. 3. 2.*

Vis non timere diem occultum? inventiat te paratum Aug.



DIES